

密縣志卷十二

賜同進士出身候選知縣前國子監學正武進謝培

賜同進士出身密縣知縣丙子科河南鄉試考官卓異歷陝西景綸

循政志

漢

卓茂

後漢書本傳字子康南陽宛人也父祖皆平郡守茂元帝時學於長安事博士江生習詩禮及歷算究極師法稱為通儒性寬仁恭愛鄉黨故舊雖行能與茂不同而皆愛慕欣欣焉初辟丞相府史事孔光光稱為長者時常出行有人認其馬茂問曰子亡馬幾何時對曰月餘日矣茂有馬

密縣志卷十二 循政志

數年心知其謬默解與之挽車上顧曰若非公馬幸至丞相府歸我他日馬主別得亡者乃詣府送馬叩頭謝之茂性不好爭如此後以儒術舉為侍郎給事黃門遷密令勞心諄諄視人如子舉善而教口無惡言吏人親愛而不忍欺之人嘗有言部亭長受其米肉遺者茂辟左右問之曰亭長為從汝求乎為汝有事囑之而受乎將平居自以恩義遺之乎人曰徃遺之耳茂曰遺之而受何故言邪人曰竊聞賢明之君使人不畏吏吏不取人今我畏吏是以遺之吏既卒受故來言耳茂曰汝為弊人矣凡人所貴於禽獸者以有仁愛知相敬事也今隣里長老尚致饋遺此乃人道所以相親况吏與民乎吏顧不當乘威力強請求耳

凡人之生羣居雜處故有經紀禮義以相交接汝獨不從修之寧能高飛遠走不在人間邪亭長素善吏歲時遺之禮也人曰苟如此律何故禁之茂笑曰律設大法禮順人情今我以禮教汝汝必無怨惡以律治汝何所措其手足乎一門之內小者可論大者可殺也且歸念之於是入納其訓吏懷其恩初茂到縣有所廢置吏人笑之鄰城聞者皆嗤其不能河南郡爲置守令茂不爲嫌理事自若數年教化大行道不拾遺平帝時天下大蝗河南二十餘縣皆被其災獨不入密縣界督郵言之太守不信自出按行見乃服焉是時王莽秉政置大司農六部丞勸課農桑遷茂爲京部丞密人老少皆涕泣隨送及莽居攝以病免歸郡

常爲門下椽祭酒不肯作職吏更始立以茂爲侍中祭酒從至長安知更始政亂以年老乞骸骨歸時光武初卽位先訪求茂茂詣河南謁見乃下詔曰前密令卓茂束身自修執節淳固誠能爲人所不能爲夫名冠天下當受天下重賞故武王誅紂封比干之墓表商容之間今以茂爲太傅封褒德侯食邑二千戶賜几杖車馬衣一襲絮五百觔復以茂長子戎爲大中大夫次子崇爲中郎給事黃門建武四年薨賜棺槨塚地車駕素服親臨送葬子崇嗣徙封泛鄉侯官至大司農崇卒子琴嗣琴卒子訢嗣訢卒子隆嗣永元十五年隆卒無子國除初茂與同縣孔休陳留蔡勳安衆劉宣楚國龔勝上黨鮑宣六人同志不仕王莽並

各重當時論曰建武之初雄豪方擾虓呼者連響嬰城者相望斯固倥偬不暇給之曰卓茂斷斷小宰無它庸能時已七十餘矣而首加聘命優辭重禮其與周燕之君表閭立館何異哉於是蘊憤歸道之賓越關阻捐宗族以排金門者衆矣夫厚性寬中近於仁犯而不校鄰於怨率斯道也怨悔曷其至乎

索長官

不知何代人舊傳虎入境噬婦婦王氏子婦具訴長官遣役執牒追之役懼不敢近投牒徑中虎銜牒跪廷下如伏罪狀長官曰能養婦如子可免虎領謝自是日銜一獸以報婦婦死乃出境

密縣志卷十二 循政志

三

元

明格公

元族也至元元年爲達魯花赤勸農興學歲旱虔禱大雨立沛蝗自北來祀之卽去民勒碑記其事

杜君美

至大庚戌令密年已七十矣容觀精力不衰謹愿勤練以善化民三年如一士民德之

明

藥預

明敏果斷蓋下有威強橫攝服闔左蒙麻

陳綱

剛介公廉吏民事如神明不敢犯至今思之

劉繼祖

萬厯間以開封知事來攝時民多逃賦他竄為蠲逋負給牛種以招之值旱蝗虔禱立雨歲乃有秋西邢保蔡大崧為豪強所誣陷大辟雪其寃見靳司空於中重建劉太公生祠碑記

張祖范

奉委丈地均糧早作夜思攤派極均民皆悅服見南台寺碑

王時英

萬厯間令密勤撫字平獄訟未二年百廢具舉密人德之

密縣志卷十二 循政志 元明

儲應爵

宰密半禩百度修舉乙未夏旱一再禱於黑龍池甘露立沛四野霑足見黑龍池禱雨記

劉肅清

愛士民勵風化葺宮墻繕雉堞折獄得情不輕加撲責善政甚著見西十里亭去思碑

苗之廷

崇禎八年正月流寇薄城之廷率眾禦之梁墻不及肩守者露半身之廷奮力殺賊賊乃退是時與長葛鄆城葉縣諸令皆有殺賊威名見綬冠紀略

朱敏汗 明史作敏汀

時連歲荒歉人相食有父子夫婦忍啖不忌者敏汗拊膺流涕繪流民圖奏之懷宗特爲蠲免正賦民困以甦崇禎十四年春闖寇陷城死之

明史忠義傳崇禎十四年正月賊陷密縣知縣朱敏汀及里居太僕卿魏持衡舉人馬體健死之敏汀妾張一女一孫及藏獲數人俱死贈僉事

袁繼善

繼善爲尉仁厚精明盜賊屏息邑北八里之雷山忽有狼爲害居民奔告繼善詣山口廟禱而捕之卽日獲狼共詫爲神見邑尉袁公驅狼記

岳士瞻

密縣志卷十二 循政志

五

教諭密縣崇禎十四年城破與知縣朱敏汗同殉難

國朝

崔養重

順治二年冒險蒞任修葺城門建設堞口扞蔽內外勸民入城覆草爲廬以民寥寥數十家招徠流亡一百七十戶

任文煜

順治二年通判開封府時流寇張成擾密文煜撫降之驅除餘寇境內以安遂署密事後改湖廣常德通判遷九江同知十六年寄籍于密長子覺知以武舉授守備銜隨征吳逆有功候補都司

李芝蘭

字毓秀順治五年令密當闖寇蹂躪之後民盡流亡田賦不充大吏以勸墾多寡爲有司殿最前任虛報田四百餘頃芝蘭念民大困勸課三年以足前報之數雖奉檄嚴催受罰不辭終不續報又錢糧櫃頭濶布浮費官馬餼養民運漕米最爲重累芝蘭一一革之明季稅政至此殆盡除矣平西王家屬西遷烏金王北還檄催協濟急如星火民皆蹙額芝蘭請鄭州備供應一切不以擾民兵燹初定官署祠廟蕩爲瓦礫集鎮邱墟商旅不行芝蘭多方勞徠入城者至五百餘家大隗牛兒兩鎮設法勸民造房招商貿易復通鄉城漸有起色而白骨青燐哀聲夜號民間驚擾遂置地鑿二十塚俾每保各占其一捐俸募工掩骼埋胔

建醮起懺冤號頓息人民安堵邑志燬於兵火暇則同邑舉人韓繼文徵文考獻廣爲搜羅筆削維嚴早乾霖滂齋沐步禱如嚮斯應羣狼入城噬人具牒城隍廟患頓息皆政之卓然可傳者

李居易

字嵩友端方樂易愛民如子時時詢民疾苦稍有不便民除之自奉儉約非客至不肉食常賃超化民地數畝種蔬自給有林宗剪韭之風暇則策蹇出遊遇農言耕遇士講學刻家禮以教密人後以從孫徵君遊引疾去

張允先

字還初禹州判康熙七年攝縣事入境卽問舊規不便於

民者盡革之迨罷任囊無一錢布被蕭條僕馬二人而已
張博

字厚子慈祥樂易士民如坐春風時以漕米貼解繁費爲
苦條上不允公堅執不可回上憲爲罷之有強項名後以
終養致仕密人攀轅卧轍雲集車下踰月始得行云

衷鯤化

勤於民事修廢舉墜具有成功

袁良怡

續纂邑乘修舉廢墜有功斯士

許履坦

廉明仁恕密邑辦糧定例加一四徵解履坦慨然曰凡作

密縣志卷十二

循政志
國朝

七

官者寬一分則民受一分之賜遂出示加一二徵民食其
德者數年有構訟者輒反覆勸諭或經月不答一人不得
已用刑輒歔噓久之謝事後囊無餘資虧穀二百餘石密
人聞之肩挑背負爭相代償不數日而足有西山民駝穀
數斗至履坦以穀足辭其人愧無以伸意傾之館門而去
去之日老幼男婦載酒泣送終日未能出郭東行四十里
有藍縷老婦携稚子以酒果跪進曰好老爺乞飲貧婦一
杯酒履坦凄然受之士民至今感頌云

姚士圭

字蒔鹿超化一帶有猛虎出没鄉民驚恐頗妨耕作士圭
爲文虔告城隍及土地且出示懸賞募鄉勇擒捕閱數日

鄉人來報曰虎已去矣夏大旱禱於風雨壇翌日雷電交作得微雨三次復禱於南山白龍王廟以鐵牌書雲輪咒列銜鈴印繫虎頭骨繩湫底越三日兩得澍雨四境霑足士圭並賦詩紀其事士民感其德於卓君廟東建祠以祀

高其哲

嚴明果決入境卽私訪一切利弊與奸吏惡棍無不洞悉到任釐剔一清奸宄斂跡邑中大治

江湄

乾隆十四年署任辦 大差民不滋擾密人德之

秦勳

潔已愛民嘗以密東數保距城稍遠令於曲梁設厰收漕

密縣志卷十二 循政志 國朝

八

令民執斛自量留心文教續修邑乘去任後掌教書院數載多所成就

陳天階

政尙仁恕優禮學者人多思之

柴孝嗣

慈祥樂易愛民如子政之所施利無不興害無不除乾隆四十七年隄工決口功甚鉅密派料物二十餘萬孝嗣念土瘠民貧無以給辦力求蠲免再三乃允及卒士民奔赴哀弔後數年其子過密猶醵金數百以贈感前德也

楊泰起

令密十餘載廉靜不擾羣除支號驛頭一事民尤被其惠

續訪

侯一位

字制卿隆慶庚午莅密令行禁止吏畏民懷西北山有虎鄉人雷自強斃焉一位禱於神甫二日勇士趙龍等卽擒以獻生員劉賢有擒虎安民記

邱景雲

改建書院振興學校密之文風自此漸變至今士子猶感其作養云